

§. 4. (2) Si baptismus ab heterodoxo ministro administratus; ubi substantialia integra servantur, est legitimus, multò magis legitima erit ordinatio ab eo peracta, ut non necesse sit eam repetere: Antecedens est verum. Ergo.

§. 5. arg. (3) Si in V. T. sacerdotum & Levitarum ordinatio à ministerio corrupto facta, fuit legitima, ut non fuerit iterata, etiam hodie nihil causæ est, cur ab heterodoxo ministerio facta ordinatio sit iteranda. Antecedens est verum, Ergò & consequens. Anteced. clara est ex Esa. XLVI, 10.

§. 6. Denique idem probat exemplum B. Lutheri in Papatu ordinati, cuius ordinatio pro legitimâ fuit habitâ, nec denuo post agnitam veritatem fuit ordinatus.

§. 7. Dicis: Heterodoxus, qui ordinavit, non fuit pastor Ecclesiæ, sed lupo, quomodo ergo ordinare, & Ecclesiæ præficere potuit verum ministrum? Resp. Heterodoxus Episcopus v.g. Pontificius ordinat, non ut lupo h. e. Ecclesiæ hostis, sed contra exequitur id, quod ab Ecclesiâ ipsi demandatur: ab ecclesiâ autem demandatur ei, ut ordinet ministrum ad prædicandum verbum & Sacramenta administranda secundum Christi institutionem, hoc modo ab heterodoxo ordinatus rectè ordinatus est.

§. 8. Si verò quis in Ecclesiâ orthodoxâ educatus, informatus veramque religionem amplexus fuerit, & tamen petat ordinationem ab heterodoxo, & ab eo ordinetur, talis ordinatio pro nulla est habenda, & denuò ordinandus est. Nam (1) talis ordinatio scandalosa est, & speciem habet collusionis cum adversariis & heterodoxis. (2) Christus jubet, ut caveamus nobis à pseudoprophetis Matth. VII. i. e. falsis Doctoribus. (3) Episcopus Papalis in ordine ad ecclesias orthodoxas hinc spectandus est ut lupo, ut raptator earum, à tali autem petere ordinationem in orthodoxâ Ecclesiâ, nimis absurdum est.

CASVS XIV.

AN studiosus, qui tantum exercitii gratiâ concionem ad populum habet, ad hoc ipsum legitimam vocationem habere debeat?

§. 1.

Affirmativa videtur esse Augustanæ Confessionis Art. 14. ubi dicitur, Quod nemo in Ecclesiâ publicè docere debeat, nisi ritè vocatus. Qui

E 2

autem